

նոյն կալուածներուն թերևս այս պարագան է որ կարծեցնել տուած է թէ ան էր Գազայի եկեղեցին շինել տուողը :

Իսկապէս Եղիազար պատրիարք կարևոր ծառայութիւն մը մատուցած է թէ՛ Գազայի և թէ՛ Ռէմէի հայ վանօրէից ու ժողովրդեան թէ՛ իր շինարար ձեռնարկներով թէ՛ այն պետական արգելիչ միջոցներու գործադրութեամբ որոնց կը հըսկէին արքունի պաշտօնեայք . նոյն արգելիչ միջոցներէն մին էր այն կայսերական հրովարտակը զոր ձեռք բերած էր Եղիազար և ներկայացուցած էր Երուսաղէմի գատըին՝ որը արձանագրելով նոյն հրովարտակը, իմաստը Գազայի գատըին և Ռէմէի նայիպին և Խասէքի սուլթանի վագֆի միւթէվէլիին իմացնելով կը յայտարարէ՝ թէ Հայոց ժողովուրդը կայսերական գահուն խընդրագիր մը մատուցանելով յայտնած է որ կարգ մը աւագակներ ճանապարհին կենալով՝ Հայերը իրենց մեռելները թողելու տարած ատեննին՝ կը քարկոծեն և մեռելի վրայ դրուած լաթերն և այլն կը գողնան : Հայոց այս խնդրանքին վրայ, կայսերական հրովարտակ մը կը տրուի իրենց որու համաձայն Երուսաղէմի դատաւորը կը հրամայէ արգիլել հաւատարիմ հպատակներու դէմ եղած այդ արարքը : Գատաւորը խստիւ կը պատուիրէ որ այսուհետև զիւմմիներուն (քրիստոնեայ) իրենց մեռելները զերեզման տարած ատեննին՝ բռնութիւն ի գործ չդնեն, չքարկոծեն, եւ մեռելի վրայ դրուածները չառնեն : Եւ եթէ մէկը համարձակի կայս . սոյն հրամանին հակառակ կենալ, կը պատուիրէ անունը և կերպարանքը նշանակելով իրեն զրկել : Երուսաղէմի դատաւորին այս հրամանագիրին թուականն է հիճ. 1084 (= 1706) :

ԺԸ. զարու առաջին քառորդին, Գազայի հայ քրիստոնէից ենթարկուած այս բռնութեանց վրայ աւելցած էին նաև տեղական քրիստոնէից ապօրէն արարքները . Գազայի հին թղթածրարին մէջ կը գտնուի անթուական արաբերէն նամակ մը որով 3-4 հայ քրիստոնեաներ կը զրեն թէ «կարգ մը շահամուլ զիւմմիներ (քրիստոնեայ) մեր եկեղեցին կոխելով, մէկուն մօրուքը փետտեր ուրիշ մը անկողնոյ ծառայելու աստիճան ծեծեր են :

Կը խնդրենք ձեր վսեմութենէն որ յիշեալ սրիկայ զիւմմիները պաշտօնեաներու միջոցաւ բռնել տալով ձեզ բերուին :»

Որո՞նք կրնան ըլլալ այս զիւմմիները որ կը համարձակին Հայոց եկեղեցին կոխել, եկեղեցականաց մէկուն մօրուքը փետտել եւ